

INUIT ATAQATIGIIT

INATSISARTUNI



FM2015/80

17. april 2015

Naaja Nathanielsen

Uunga siunnersuut: Umiarsualivimmainermut aamma umiarsuarni takornarianik angallassisuni ilaasut akileraarutaat pillugit inatsisartut inatsisaata allangortinneqarneranik Inatsisartut inatsisaat nr. xx, xx. xx 2015-imeersoq.

(Umiarsuarni takornarianik angallassisuni ilaasut akileraarutaannik aamma ilaasunik nalinginnaasunik takornarianillu angallassinermi ilaasut akileraarutaannik atorunnaarsitsineq)

(Aningaasaqarnermut Aatsitassanullu Naalakkersuisoq)

IA-miit umiarsuarni takornarianik angallassisut aningaasartuutaannik appariartitsinissaq akerlerinngilarput. Ullumikkut aningaasartuutit annertuallaartut isumaqatigaarput.

Aappaatigulli suut tamaasa tunniutiinnassanngilagut imaluunniit inatsit eqquinerluttussaq akueriinnassanngilarput. Tamannarpiaavorlu IA-miit isornartorsiugarpus.

IA-miit Naalakkersuisut isumaannut isumaqataavugut, tassalu aningaasanut inatsimmut siunnersuutit nutaat aningaasalerneqassasut, amigartoortilli annertusinissaannik kinguneqassanngitsut. Nunatta avammut nittarsaanneranit 1,6 millionit sipaardeqarnissaannut partiit tamakkerlutik isorinnissimapput. Taamaattumillu IA-miit tikkuarsimavarput siunnersuutip matuma allanngortilaarneratigut 1,6 millionit taakkua pigiinnarneqarsinnaasut. Taamaattumillu akitsuutip 1 kroner 60 øre-nut qaffanneqalaarnissaanut allannguutissatut siunnersuuteqarpugut, tassami Naalakkersuisut 1 kroner 10 øre-unissaanik siunnersuuteqarpus. Taamaasilluta nunatta avammut nittarsaannissaanut aningaasat ilarujussui pigiinnarsinnaassagaluarpagut, peqatigitillugulu umiarsuit takornarianik angallassisartut nunatsinnukarusulernissaannut pilerisaarsinnaallutigit.

Siunnersuutilli eqquinerlussinnaanera ajorinngilarput. Umiarsuimmi minnerit ingerlaernerminni sumiiffinnut tamanut tulattartut umiarsuarnut annernut sumiiffinnut ikinnerusunut tulattartunut naleqqiullutik akitsuutitigut annertunerusumik akiiliussaaratarsinnaapput. Naalakkersuisut tamatuma ajornartorsiutinngorsinnaaneranik akuersinngillat. Taamaattorli umiarsuit minnerit annernut naleqqiullutik eqqorneqarnerussappata neriuutigaarput Naalakkersuisut iliuuseqapallallutik inatsisip equngasortaa iluarsiumaaraat.

Neriuppgut allannguutissatut siunnersuuterput Inatsiartunit tapersorsorneqarumaartoq, tassa inatsimmut naapertuullunilu nunatta avammut nittarsaannissaanut suli aningaasassaqarnissatsinnik qulakkeerinnissammatt.